

16

Provincia Italiana
Fondo librario antico
della Compagnia di Gesù
Gallarate

EFFIGIES
ROMANORUM
PONTIFICUM

A S. PETRO AD PIUM VI.

FELICITER REGNANTEM

Æneis tabulis expressæ, ordine chronologico digestæ,
AC IN DUOS TOMOS DISTRIBUTE,

*Singulis præmissa accuratissima eorumdem chronotaxi
ex GRAVESONIO, aliisque Auctoribus.*

TOMUS PRIMUS

CONTINENS

PONTIFICES A S. PETRO USQUE
AD JOANNEM XI.



BASSANI, MDCCLXXV.

SED PROSTANT
VENETIIS APUD REMONDINI.
SUPERIORUM PERMISSU.

RES. DI BERGAMO

= IHS =
BIBLIOTECA

Fondo librario antico dei Gesuiti italiani
www.fondolibrarioantico.it



9
III
17104

RES. DI BERGAMO

= 115 =


BIBLIOTECA

3

T A B U L A
C H R O N O L O G I C A ,

In qua textitur Chronotaxis, seu series
Romanorum Pontificum,
QUI A S. PETRO USQUE AD JOANNEM XI.
PONTIFICEM MAXIMUM

*Universam Christi Ecclesiam gubernarunt, ex
Gravesonio, aliisque Auctoribus
accuratissime digesta.*

 ANCTUS *Petrus*, primus in terris
Christi Domini Vicarius, & Supremus
Pontifex Romanus fuit, seditque annis
viginti quinque, mense uno, & sub *Ne-
rone* Imperatore Martyrii palmam ade-
ptus est die 29. mensis Junii anni Christi sexagesimi
sexti, Consulibus *C. Lucio Telesino*, & *Svetonio Paulino*.
2. *S. Linus* successit *S. Petro*. Fuit tamen *Linus* in
Sede Romana Vicarius *S. Petri* ab anno Christi quin-
quagesimo sexto usque ad annum sexagesimum sextum;
quo anno cum *S. Petrus* a crudelissimo *Nerone* Impera-
tore caesus fuisset, Pontificatum *Linus* obtinuit. Sedit
per annum integrum, & Martyr vitam finivit anno
Christi sexagesimo septimo, in quem incidit Consulatus
Fonzeji Capitonis, & *C. Julii Rusti*.

A 2

3. S.

3. *S. Clemens*, hujus nominis *Primus*, successit *Lino*, & annis novem, mensibus undecim Romanam rexit Ecclesiam, ac subinde ab anno Christi sexagesimo septimo, quo, post obitum *Lini*, electus est Romanus Pontifex, sedit usque ad annum septuagesimum sextum, quo Consules fuerunt *Vespasianus Augustus VII.* & *Titus Caesar V.* Pro Fidei defensione Martyrii corona redimitus occubuit. (*)

4. *S. Cletus* anno Christi septuagesimo sexto successit est in locum *Clementis*, seditque annis sex, mensibus decem, tribus diebus, & post adeptam Martyrii palmam migravit ad Dominum anno Christi octogesimo tertio, Consulibus *Domitiano Augusto IX.* & *Petilio Ruso II.*

5. *S. Anacletus* anno Christi octogesimo tertio substitutus est *Cleto*, sedit annis XII. mensibus decem, diebus tribus, seditque usque ad annum Christi nonagesimum quintum, quo Consules fuerunt *Domitianus XVII.* & *T. Flavius Clemens*. Ipse vero Martyrio coronatus evolavit in cælum.

6. *S. Evaristus* eodem ann. nonagesimo quinto subrogatus est in locum *Anacleti*, sedit an. XII. mensibus septem, diebus duobus, & Martyrium passus migravit ad
Do-

(*) *Chronologia Romanorum Pontificum*, qui sederunt prioribus seculis adeo implicata est, ut diversam supputandi rationem complures inierint. Icones nostre Platine chronotaxim ubique sequuntur, que recentioribus Criticis non semper probatur. Quare non mirum, si hec Tabula in recensendis prioribus his Pontificibus, annisque eorum supputandis cum Iconibus non omnino cohereat.

CHRONOLOGICA. 5

Dominum an. Christi CVIII. Consulibus *Ap. Annio Treboniano Gallo*, & *M. Attilio Bradua*.

7. *S. Alexander*, hujus nominis I., successit *Evaristo*; fedit annis octo, mensibus duobus, & die uno, coronamque Martyrii promeritus est an. Christi CXVI. sub Consulatu *Ælii Lamie*, & *Æliani Veteris*.

8. *S. Sixtus*, hujus nominis I., eodem anno, quo *Alexander I.* e vivis excessit, seu anno centesimo decimo sexto, Pontificatum iniit, feditque annis decem, mensibus tribus, diebus viginti uno, & Martyrii corona decoratus abiit e vivis anno Christi CXXVI. Consulibus *M. Annio Vero III.* & *L. Vario Ambibulo*.

9. *S. Telesphorus* Pontificatum suscepit anno Christi centesimo vigesimo sexto, fedit annis undecim, mensibus tribus, diebus tribus, & obiit Martyr ann. Christi CXXXVII. sub Consulatu *Lucii Ælii Cesaris II.* & *P. Cælii Balbinii Vibullii*.

10. *S. Hyginus* anno CXXXVII. electus est Romanus Pontifex, fedit annis quatuor, & pro Fide Martyr supremum vitæ diem obiit an. centesimo quadragesimo primo, Consulibus *Peduceo Syloga Priscino*, & *T. Henio Severo*.

11. *S. Pius*, hujus nominis I., in Pontificatu successit *Hygino* ann. Christi centesimo quadragesimo primo, fedit per decem annos, menses quatuor, dies tres, & mortem pro Fidei defensione pertulit an. Christi centesimo quinquagesimo primo, quo Consules fuerunt *Quintilius Condianus*, & *Quintilius Maximus*.

A 3

12. S.

6 T A B U L A

12. *S. Anicetus* in locum *Pii* Papæ, anno centesimo quinquagesimo primo demortui, assumptus est, ac Romanus Pontifex electus, fedit per decem annos, ac vitam pro Christo perdidit anno Christi centesimo sexagesimo primo, sub Consulatu *M. Ælii Aurelii Veri* *Cæsaris III.* & *L. Ælii Commodi II.*

13. *S. Soter* successit *Aniceto* ann. Christi sexagesimo primo, fedit an. novem & aliquot menses ac dies, & Martyr occubuit an. Christi centesimo septuagesimo, qui *Cornelio Cethego*, & *C. Erucio Claro* Consulibus insignitur.

14. *S. Eleutherus* an. Christi centesimo septuagesimo suffectus est *Soteri* Papæ, fedit an. quindecim, dies viginti quatuor, & Martyr mortuus est anno Christi centesimo octogesimo quinto sub Consulatu *Materni* & *Bradue*.

15. *S. Victor* in locum *Eleutheri* an. centesimo octogesimo quinto subrogatus est, fedit an. duodecim, mensem unum, dies sexdecim, & Martyr occubuit anno Christi centesimo nonagesimo septimo, quo Consules fuerunt *Claudius Lateranus*, & *Titus Rufinus*. Hic Pontifex Asiaticos ab Ecclesiæ Romanæ communiōe separavit, quod Pascha more Judaico, seu luna decima quarta, in quamcumque diem incideret, non vero die Dominica proxime sequenti lunam decimam quartam post Æquinoctium VERNUM, celebrandum esse obstinatis animis pertenderent.

16. *S. Zephyrinus* anno Christi centesimo nonagesimo septimo successit *Victori* Papæ, fedit an. novemdecim, men-

CHRONOLOGICA: 7

mensis undecim , dies quinque , & mortuus est anno Christi ducentesimo decimo septimo , quo Consules fuerunt *C. Brutius Præfens* , *T. Messius Extricatus II.*

17. *S. Callistus* , successor *Zephyrini* Papæ , Pontificatum iniiit die xviii. mensis Julii an. Christi ducentesimo decimo septimi , sedit annos quinque , menses duos , dies decem , & Martyrii palma donatus inter vivos esse desit anno Christi ducentesimo vigesimo secundo , qui in Fastis notatur Consulatu *M. Aurelii Antonini Elagabali Augusti IV.* & *M. Aurelii Severi Alexandri Caesaris.*

18. *S. Urbanus* , successit *Callisto* anno Christi ducentesimo vigesimo secundo , sedit annos septem , & aliquot menses , ac dies , & Martyrium passus est an. Christi ducentesimo trigesimo , sub Consulatu *L. Vibii Agricola* , & *Sext. Cati Clementini.*

19. *S. Pontianus* subrogatus est in locum *Urbani* die xxii. mensis Junii anni ducentesimo trigesimo , sedit annos quinque , menses tres , & dies septem , vitamque per Martyrium morte commutavit die vigesima octava mensis Septembris anni ducentesimo trigesimo quinti , sub Consulatu *Severi* , & *Quintiani.*

20. *S. Anterus* successit *Pontiano* die vigesima prima mensis Novembris an. Christi ducentesimo trigesimo quinti , sedit mensem unum , & dies tredecim , Martyriumque subiit die tertia mensis Januarii an. ducentesimo trigesimo sexti , sub Consulatu *Julii Veri Maximini Augusti* , & *Julii Africani.*

21. *S. Fabianus* , post mortem *Anteri* ordinatus est

30. *S. Marcellinus*, postquam ab obitu *Caji* Papæ vacasset Romana Sedes duobus mensibus & octo diebus, Pontificatum suscepit die XXX. mensis Junii anni ducentissimi nonagesimi sexti, sedit annis octo, mensibus tribus, diebus viginti quinque, & Martyrio extinctus est die XXIV. mensis Octobris anni tercentesimi quarti, Consulibus *Diocletiano Aug. IX.* & *Maximiano Herculio Aug. VIII.*

31. *S. Marcellus*, postquam ab obitu *Marcellini* Papæ Sedes Romana vacasset annis tribus, mensibus tribus, diebus viginti quinque, ordinatus est Pontifex Romanus die XXVII. mensis Junii anni tercentesimi octavi, sedit annum unum, menses sex, dies viginti, & Martyr obiit die XVI. mensis Januarii anni tercentesimi decimi.

32. *S. Eusebius* successit *Marcello* Papæ die V. Februarii anni tercentesimi decimi, sedit menses quatuor & dies sexdecim, & decessit die XXI. mensis Junii ejusdem anni tercentesimi decimi.

33. *S. Miltiades*, seu *Melchiades*, Pontificatum suscepit die 2. Julii anni tercentesimi decimi, sedit annos tres, menses sex, dies novem, & mortuus est die X. Januarii anni tercentesimi decimi quarti. Sub hoc Pontifice *Melchiade* Hæretici *Donatistæ* in Concilio Romæ habito an. tercentesimo decimotertio damnati sunt.

34. *S. Sylvester* pridie Kal. Februarii anni tercentesimi decimi quarti Pontificatum iniit. Concilium Generale Nicenum primum ad profligandam *Arii* Hæresim convocavit, sedit annis vigintiuno, mensibus undecim, & e

CHRONOLOGICA. II

& e vita migravit die trigesima prima mensis Decemb. anni tercentesimi trigesimi quinti.

35. *S. Marcus* die decima octava mensis Januarii an. tercentesimi trigesimi sexti sublectus fuit Pontifex Romanus, sedit menses octo, dies viginti, & obiit die septima mensis Octobris ejusdem anni.

36. *S. Julius*, postquam ab obitu *Marci* Papæ vacasset Sedes Romana menses tres, dies viginti novem, Pontificatum auspicatus est die sexta mensis Februarii an. tercentesimi trigesimi septimi. Ad defendendam Catholicam de Consubstantialitate Verbi Divini Fidem, & causam *S. Athanasii*, ab Eusebianis, seu Arianis pene oppressi, strenue se gessit. Sedit an. quindecim, mensibus duobus, diebus sex, ac vivis exemptus est die XII. mensis Aprilis an. tercentesimi quinquagesimi secundi.

37. *S. Liberius*, postquam a morte *Julii* Papæ vacasset Sedes per duos menses & dies aliquot, consecratus est Romanus Pontifex die XXI. mensis Junii an. tercentesimi quinquagesimi secundi, sedit an. quatuordecim, menses tres, dies tres, & efflavit animam die XXIII. mensis Septembris an. tercentesimi sexagesimi sexti. In exilium ab Imperatore *Constantio* actus *Liberius* Papa, tandem victus damnavit *Athanasium*, & subscripsit Formulæ Fidei Sirmiensi, non quidem secundæ, quæ penitus Ariana est, sed primæ, quæ Catholicum sensum pati potest, & contra Hæreticum *Photinum* edita est. Ab exilio reversus *Liberius*, & sua Romana Sede potitus Nicænam Fidem palam professus est, pacem cum *S. Atha-*

RES. DI BERGAMO

= IHS =

BIBLIOTECA

Fondo librario antico dei Gesuiti italiani
www.fondolibrarioantico.it

Athanasio redintegravit, suumque lapsum facti pœnitens reparavit.

38. *S. Damafus* ordinatus est Pontifex Romanus die prima mensis Octobris an. tercentefimi sexagesimi sexti. Sedit an. octodecim, menses duos, dies decem, & extremum spiritum reddidit die X. mensis Decembris anni tercentefimi octogefimi quarti. Contra *Damafum*, Romanum Pontificem legitime electum & ordinatum, schisma in Ecclesia conflavit *Ursicinus*, Sanctæ Romanæ Ecclesiæ Diaconus, qui Pontificatum temerario ausu sibi vindicavit. Sed *Ursicinum*, in Sedem Romanam intrusum, & Schismatis Auctorem, Imperator *Gratianus* perpetuo exilio multavit, & *Damafum* Sedis Romanæ pacificum possessorem reddidit. Sub Pontificatu *Damasi* habitum est Concilium Generale Constantinopolitanum primum an. 381.

39. *S. Siricius* successit *Damaso* Papæ, seditque annos tredecim, menses undecim, dies quinque, & obiit anno tercentesimo nonagesimo octavo.

40. *S. Anastasius* in Sede Romana successit *Siricio* Papæ die quinta mensis Decembris anni tercentefimi nonagesimi octavi. Sedit annis tribus, diebus decem, & exiit e vita die decima quarta mensis Decembris anni quadringentesimi primi. Sub Pontificatu *Anastasi* tumultuati sunt Origenistæ, eosque sua auctoritate repressit sanctus ille Pontifex.

41. *S. Innocentius Primus* Pontifex Romanus inauguratus est die vigesima prima mensis Decembris anni quadringentesimi primi, seditque annis quindecim, mensibus duo-

RES. DI BERGAMO
= 115 =
BIBLIOTECA

duobus, diebus viginti, vitæque functus est die XII. mensis Martii anni quadringentesimi decimi septimi. *Pelagium*, *Cælestium*, & *Julianum* Hæreticos proscripsit Sanctissimus ille Pontifex, *S. Joannis Chrysostomi* appellationem suscepit, & omnia, quæ adversus illum in pseudo Synodum ad *Quercum* male gesta ac decreta fuerant, sua auctoritate rescidit.

42. *S. Zozymus* ordinatus est Romanus Pontifex die XVIII. mensis Martii anni quadringentesimi decimi septimi. Sedit annum unum, menses novem, & ad Deum migravit die XXVI. Decembris anni CCCCXVIII.

43. *S. Bonifacius* hujus nominis *Primus* in Romanum Pontificem electus est die vigesima nona mensis Decembris anni quadringentesimi decimi octavi, sedit annos tres, menses octo, dies sex, & mortuus est die quarta Septembris anni quadringentesimi vigesimi secundi. *Eulalius* Antipapa, cui *Symmachus*, Urbis Romæ Præfectus, favebat, contra *Bonifacium* legitimum Pontificem indulto Schismate Ecclesiam turbavit, sed, *Eulalio* Antipapa Roma jussu Imperatoris pulso, sedatum est schisma.

44. *S. Cælestinus* hujus nominis *Primus* die decima mensis Septembris anni quadringentesimi vigesimi secundi Pontifex Romanus consecratus est. Sedit annos novem, menses decem, dies novem, obiit die 18. mensis Julii anni quadringentesimi trigesimali secundi. Semipelagianos compressit, & per suos Legatos præfuit Concilio Generali Ephesino an. 431. celebrato, in quo *Nestorii* Hæresis proscripta fuit.

45. *S. Sixtus* Papa hujus nominis *Tertius* in locum
Cæle.

Cælestini Romani Pontificis subrogatus est die vigesima quarta mensis Julii anni quadingentesimi trigefimi secundi, & excessit e vita die 11. mensis Augusti anni quadingentesimi quadragesimi. Sub istius *Sixti* Pontificatu pax sancita est *Cyrillum* Patriarcham Alexandrinum inter, & *Joannem* Patriarcham Antiochenum, & alios Orientales Episcopos.

46. *S. Leo*, post Interpontificium 41. dierum ab obitu *Sixti* III. electus est Pont. Romanus die 22. mensis Septemb. anni quadingentesimi quadragesimi. Sedit ann. viginti unum, mensem unum, dies tredecim, migravitque ad Deum die 4. mensis Novemb. anni quadingentesimi sexagesimi primi. Sub Pontificatu Sancti *Leonis* celebratum est contra Hæresiarum *Eutychetem* Concilium Chalcedonense anno 451.

47. *S. Hilarius* successit *S. Leoni* Papæ & Pontificatum inivit die 12. mensis Novembris anni quadingentesimi sexagesimi primi. Sedit annos sex, menses tres, dies decem, & obiit die 21. mensis Februarii anni quadingentesimi sexagesimi octavi.

48. *S. Simplicius*, post quatuor dierum a morte *Hilarii* Papæ intervallum, Pontifex Romanus fuit inauguratus die 25. mensis Februarii anni quadingentesimi sexagesimi octavi, & præfuit Ecclesiæ Romanæ per annos quindecim & dies sex, obiitque die 1. mensis Martii anni quadingentesimi octogefimi tertii.

49. *S. Felix Secundus*, aliis *Tertius* post quinque dierum Interpontificium, successit *Simplicio* die 6. mensis Martii anni quadingentesimi octogefimi tertii, seditque annos

annos octo , menses undecim , dies octodecim ; & ex hac vita migravit die 24. Februarii anni quadringentesimi nonagesimi secundi .

50. *S. Gelasius* consecratus est Pontifex Maximus die prima mensis Martii anni quadringentesimi nonagesimi secundi . Sedit annos quatuor , menses octo , dies octodecim , & e vivis excessit die decima nona mensis Novembris anni quadringentesimi nonagesimi sexti .

51. *S. Anastasius II.* Pontifex Romanus ordinatus est die 24. mensis Novembris anni quadringentesimi nonagesimi sexti , & sedit annum unum , menses undecim , dies viginti quatuor , & mortuus est die 17. mensis Novembris anni quadringentesimi nonagesimi octavi .

52. *S. Symmachus* successit *Anastasio Secundo* die vigesima secunda mensis Novembris anni quadringentesimi nonagesimi octavi . Ejus electionem turbare tentavit *Laurentius* , *S. Praxedis* Archipresbyter , qui instigante *Festo* , Senatore Romano , se in pseudo-Pontificem , effusis pecuniis , eligendum curavit . At *Theodoricus* Rex Italiae , Secta licet Arianus , litem adjudicavit *Symmacho* , qui prior , & a majori , saniorique Cleri parte fuerat electus . Sedit *Symmachus* annos quindecim , menses septem , & dies viginti septem , & e vivis sublatus est die decima nona mensis Julii anni 514 .

53. *S. Hormisdas* in locum *Symmachi* successit die 27. mensis Julii anni 514 . sedit annos novem , & dies undecim , & in vivis esse desit die 6. mensis Augusti anni 523 .

54. *S. Joannes I.* successit *Hormisdæ* Papæ , & fuit ordina-

ordinatus Pontifex Romanus die decima tertia mensis Augusti an. 523. Sedit annos duos, menses novem, & dies sex, Martyrque occubuit die 18. Mensis Maji anni 526.

55. *S. Felix* hujus nominis III. aliis IV. die 12. mensis Julii an. 526. Pontifex Romanus consecratus est. Sedit an. quatuor, menses duos, & dies sex, atque præclaris virtutibus exornatus ex hac vita discessit die 28. mensis Septembris anni 530.

56. *Bonifacius II.* Pontifex Romanus ordinatus est die vigesima prima mensis Septembris anni quingentesimi trigesimali. Synodum secundam Arausicanam, in qua hæretici Semipelagiani fuerunt proscripti, confirmavit. Sedit annos duos & dies viginti sex, obiitque die 17. mensis Octobris anni quingentesimi trigesimali secundi.

57. *Joannes II.* post intervallum septuaginta sex dierum ab obitu *Bonifacii II.* Pontifex Romanus fuit renuntiatus die 31. mensis Decembris anni quingentesimi trigesimali secundi. Pontificatum tenuit annos duos, menses quatuor, dies viginti sex, & extremum diem obiit die vigesima sexta mensis Maji anni quingentesimi trigesimali quinti.

58. *S. Agapetus* electus & inauguratus est Pontifex Romanus die tertia mensis Junii anni quingentesimi trigesimali quinti. *Anthimum*, Patriarcham Constantinopolitanum, hæreticum Eutychnum, a Sede Constantinopolitana dejecit, & in ejus locum *Mennam*, virum maxime Catholicum, auctoritate Apostolica subrogavit. Sedit menses decem, dies undeviginti, obiitque Constantipoli die

li die 22. mensis Aprilis anni quingentesimi trigesimi sexti.

59. *S. Silverius*, postquam a morte *Agapeti* Sedes Pontificia per dies quadraginta septem vacasset, Pontifex Romanus consecratus est die 8. mensis Junii anni quingentesimi trigesimi sexti. Missus est in exilium a *Vigilio*, qui Sedem Pontificiam invasit, ibique inedia & calamitatibus confectus, Martyr occubuit die 20. mensis Junii anni quingentesimi trigesimi octavi.

60. *Vigilius*, qui, favente *Belisario*, Romani exercitus Duce, in Sedem *Silverii* legitimi Pontificis irrepserat, mortuo *Silverio*, vero & legitimo Pontifice, fuit a Clero in legitimis Comitibus renuntiatus Pontifex Romanus. Seditque usque ad annum quingentesimum quinquagesimum quartum, quo oppressus dolore calculi obiit in Sicilia, dum Romam rediret. Sub hoc Pontifice habita est quinta Synodus Generalis, seu Constantinopolitana secunda, anno quingentesimo quinquagesimo tertio.

61. *Pelagius* hujus nominis I. in Sede Pontificia *Vigilium* excepit die XI. mensis Aprilis anni quingentesimi quinquagesimi quinti. Sedit annos quatuor, menses 10. dies 10. & octo, & vita functus est die 1. mensis Martii an. 560.

62. *Joannes* hujus nominis III. postquam Sedes Pontificia cessasset a morte *Pelagii* I. menses quatuor & dies 17. Pontificatum iniit die 18. mensis Julii anni quingentesimi sexagesimi, & Ecclesiam Romanam gubernavit annos 12. menses 11. & dies 26. Mortuus est die 13. mensis Julii anni quingentesimi septuagesimi tertii.

B

63. S.

63. *S. Benedictus* hujus nominis I. post Interpontificium a morte *Joannis* III. mensium decem, viginti & unius dierum, ordinatus est Pontifex Romanus die tertia mensis Junii anni quingentesimi septuagesimi quarti, feditque annos quatuor, mensem unum, dies 28. & e vivis excessit die 30. mensis Julii anni quingentesimi septuagesimi octavi.

64. *Pelagius* II. postquam ab obitu *Benedicti* I. sedes vacasset menses quatuor, fuit electus Pontifex die trigesima mensis Novembris anni quingentesimi septuagesimi octavi. Sedit annos 11. menses duos, dies decem, & migravit e vita die octava mensis Februarii anni quingentesimi nonagesimi.

65. *S. Gregorius Magnus* hujus nominis I. post Interpontificium ab obitu *Pelagii* II. mensium sex, & dierum viginti quinque, consecratus est Pontifex Romanus die tertia mensis Septembris anni quingentesimi nonagesimi. Donatistas in Africa coercuit, & *Joannis*, Patriarchæ Constantinopolitani, seu *Æcumenicum*, seu *universalem* Episcopum inscribentis, factum cohibuit. Angliam ad Fidem convertit, & Ecclesiæ Latinæ Sanctissimus Doctor habetur. Sedit annos 13. menses sex, dies decem, & ad Deum migravit die 12. mensis Martii anni sexcentesimali quarti, qua die a Fidelibus colitur.

66. *Sabinianus*, post Interpontificium mensium sex & diei unius, Romanus Pontifex consecratus est die 13. mensis Septemb. an. sexcentesimali quarti. Et sedit annum unum duntaxat, menses quinque, & dies novem,

vem, obiitque die 22. mensis Februarii anni sexcentefimi sexti.

67. *S. Bonifacius* III. post Interpontificium mensium 11. & dierum 26. inauguratus est Pontifex Maximus, & Pontificatum tenuit usque ad diem 10. mensis Novemb. anni sexcentefimi septimi.

68. *Bonifacius* IV. post Interpontificium novem mensium & dierum quindecim, fuit Romanus Pontifex consecratus die vigesima quinta mensis Augusti anni sexcentefimi octavi. Ab Imperatore *Phoca* obtinuit Templum, quod Romæ dicitur Pantheon, illudque, eliminatis prorsus ethnicorum superstitionibus, consecravit Sanctæ *Mariæ* semper *Virgini*, & Sanctis omnibus Martyribus. Sedit annos sex, menses octo, dies tredecim, & abiit e vivis die 7. mensis Maji anni sexcentefimi decimi quinti.

69. *Deus dedit*, postquam Sedes ab obitu *Bonifacii* IV. vacasset quinque menses & dies undecim, ad Pontificatum fuit provectus die 19. mensis Octobris anni sexcentefimi decimi quinti. Sedit annos tres, dies viginti, obiitque die 8. mensis Novembris anni sexcentefimi decimi octavi.

70. *S. Bonifacius* V. post Interpontificium anni unius, mensis unius & dierum sexdecim, ordinatus est Pontifex Romanus die vigesima tertia mensis Decembris anni sexcentefimi decimi noni. Sedit annos quinque, menses decem, sine ulla dierum appendice, & obiit die 22. mensis Octobris anni sexcentefimi vigesimi quinti.

71. *Honorius* hujus nominis I. successit *Bonifacio* V.

die 27. mensis Octobris anni sexcentefimi vigefimi quinti, & sedit annis duodecim, mensibus undecim, diebus sexdecim, & obiit die 12. mensis Octobris anni sexcentefimi trigefimi octavi. Hic Pontifex perperam ab Hæreticis Monothelitarum hæreseos infimulatur, & ab ea tam vere, quam pie vindicatur.

72. *Severinus*, post Interpontificium unius anni, septem mensium, & quindecim dierum, consecratus est Pontifex Romanus die 27. mensis Maji anni sexcentefimi quadragesimi. Sedit menses duos & dies quatuor, & abiit e vivis die prima mensis Augusti ejusdem anni sexcentefimi quadragesimi.

73. *Joannes* hujus nominis IV. postquam ab obitu *Severini* Papæ vacasset Sedes Apostolica menses quatuor & dies 24. ordinatus est Pontifex Romanus die 24. mensis Decembris anni sexcentefimi quadragesimi. Sedit annum unum, menses novem, & dies octodecim, obiitque die undecima mensis Octobris anni sexcentefimi quadragesimi secundi.

74. *S. Theodorus*, post Interpontificium unius mensis & dierum tredecim, consecratus est Pontifex Romanus die vigesima quarta mensis Novemb. anni sexcentefimi quadragesimi secundi. Sedit annos sex, menses quinque, & dies novendecim, atque humanis ereptus est die decima tertia mensis Maji anni sexcentefimi quadragesimi noni.

75. *S. Martinus* hujus nominis I. post dies quinquaginta duos ab obitu *Theodori* Papæ electus est Pontifex Maximus die quinta Julii anni sexcentefimi quadragesimi

mi noni. Missus est in exilium ab Imperatore *Constante*, Hæretico Monothelita, anno sexcentesimo quinquagesimo tertio, ibique morbis & ærumnis confectus ad cælestem patriam, Martyrii corona redimitus, migravit die 16. mensis Septembris anni sexcentesimi quinquagesimi quinti.

76. *S. Eugenius* hujus nominis I. vivente adhuc in exilio *Martino* I. eoque, ad præcavendas Imperatoris *Constantis*, Hæretici Monothelitæ, insidias, ultro consentiente, a Clero Romano electus est Pont. Max. die 8. mensis Septembris an. sexcentesimi quinquagesimi quarti, seditque annis duobus, mensibus octo, diebus viginti quatuor, & mortuus est die prima mensis Junii anni sexcentesimi quinquagesimi septimi.

77. *S. Vitalianus*, postquam ab obitu *Eugenii* Papæ vacasset Sedes per mensem unum & dies 29. creatus est Pontifex Maximus die 30. mensis Julii anni sexcentesimi quinquagesimi septimi, seditque annos quatuordecim, menses sex, & obiit die 17. mensis Januarii anni sexcentesimi septuagesimi secundi.

78. *Adeodatus*, post Interpontificium a *Vitaliani* Papæ obitu duorum mensium & dierum viginti quinque, consecratus est Pontifex Maximus die 22. mensis Aprilis anni sexcentesimi septuagesimi secundi, seditque annos quatuor, menses duos, dies quinque, & abiit e vivis die 26. mensis Junii anni sexcentesimi septuagesimi sexti.

79. *Donus*, postquam a morte *Adeodati* Papæ vacasset Sedes menses quatuor & dies quinque, ordinatus est

Pontifex Romanus die 1. mensis Novembris anni sexcentefimi septuagesimi sexti. Sedit annum unum, menses quinque, dies decem, & decessit e vita die 11. mensis Aprilis anni sexcentefimi octavi.

80. *S. Agatbo*, postquam ab obitu *Doni* Papæ vacasset Sedes menses duos & dies quindecim, inauguratus est Pontifex Maximus die vigesima septima mensis Junii anni sexcentefimi septuagesimi octavi. Præfuit per suos Legatos sextæ Synodo Generali contra hæreticos Monothelitas anno sexcentesimo octogesimo celebratæ, seditque annos tres, menses sex, dies quindecim, & obiit die 10. mensis Januarii anni sexcentefimi octogefimi secundi.

81. *S. Leo* hujus nominis II. post Interpontificium septem mensium & septem dierum, in locum *Agathonis* Papæ successit die 17. mensis Augusti anni sexcentefimi octogefimi secundi. Sedit menses decem, dies septemdecim, & ad Deum migravit die 3. mensis Julii anni sexcentefimi octogefimi tertii.

82. *S. Benedictus* hujus nominis II. postquam ab obitu *Leonis* II. cessasset Pontificatus menses undecim, & dies viginti duos, consecratus est Pontifex Romanus die 26. mensis Junii anni sexcentefimi octogefimi quarti. Sedit menses decem, dies duodecim, & vita discessit die 7. mensis Maji anni sexcentefimi octogefimi quinti.

83. *Joannes* hujus nominis V. postquam a morte *Benedicti* II. vacasset Sedes per menses duos & dies quindecim, ordinatus est Pontifex Romanus die vigesima tertia

tia mensis Julii anni sexcentefimi octogefimi quinti . Sedit annum unum , dies decem , & mortuus est die secunda mensis Augusti anni sexcentefimi octogefimi sexti .

84. *Conon* , post Interpontificium mensium duorum & dierum octodecim , electus est Pontifex Romanus die 21. mensis octobris anni sexcentefimi octogefimi sexti . Sedit menses 11. & e vita migravit die 21. mensis Septembris anni sexcentefimi octogefimi septimi .

85. *S. Sergius* hujus nominis I. post duorum mensium , & dierum viginti trium Interpontificium , per quod duravit Schisma excitatum a *Theodoro* Archipresbytero , & *Paschali* Archidiacono , qui Summo Pontificatui inhiantes , Sedem Apostolicam invaserant , electus est Pontifex Romanus die 15. mensis Dec. anni sexcentefimi octogefimi septimi . Sedit annos tredecim , menses octo , dies viginti tres , & obiit die 7. mensis Septembris anni septingentesimi primi .

86. *Joannes* hujus nominis VI. post Interpontificium unius mensis & dierum viginti , ordinatus est Pontifex Romanus die 28. mensis Oct. anni septingentesimi primi . Sedit annos tres , menses duos , & dies duodecim , & mortuus est die 9. mensis Januarii anni septingentesimi quinti .

87. *Joannes* hujus nominis VII. post Interpontificium unius mensis & dierum novemdecim , creatus est Pontifex Romanus die prima mensis Martii anni septingentesimi quinti . Pontificatum gessit per duos annos , menses septem , dies septemdecim , atque supremum diem obiit die 17. mensis Octobris anni septingentesimi septimi .

88. *Sisinnius*, post trium mensium Interpontificium, electus est Pontifex Romanus die 18. mensis Januarii anni septingentesimi octavi, sedit dies dumtaxat viginti, & in vivis esse desiit die 6. mensis Februarii anni septingentesimi octavi.

89. *Constantinus*, post Interpontificium unius mensis & dierum undeviginti, ordinatus est Pontifex Romanus die 24. mensis Martii anni septingentesimi octavi. Rexit Ecclesiam Romanam usque ad diem 8. mensis Aprilis anni septingentesimi decimi quinti, quo ex hac vita discessit.

90. *S. Gregorius* hujus nominis II. post Interpontificium dierum quadraginta, consecratus est Pontifex Romanus die 19. mensis Maji anni septingentesimi decimi quinti. Sedit annos quindecim, menses 8. dies 23. & obiit die 11. mensis Febr. anni septingentesimi trigefimi primi.

91. *S. Gregorius* hujus nominis III. post breve Interpontificium, ordinatus est Pontifex Romanus die 18. mensis Martii anni septingentesimi trigefimi primi. Sedit annos decem, menses octo, dies decem, & in vivis esse desiit die 28. mensis Novembris anni septingentesimi quadragefimi primi.

92. *S. Zacharias* consecratus est Pontifex Romanus die 30. mensis Novembris anni septingentesimi quadragefimi primi. Sedit annos decem, menses tres, dies quatuordecim, & mortuus est die 14. mensis Martii anni septingentesimi quinquagesimi secundi.

93. *Stephanus* hujus nominis II. ad Pontificatum electus

ctus est, sed subita morte interceptus, ordinari ac consecrari non potuit. Debet tamen inter veros Pontifices Romanos recenferi, sicut illum multi Scriptores Ecclesiastici, post Cardinalem *Baronium*, & omnes pervulgatæ Romanorum Pontificum Tabulæ Chronologicæ recensere solent.

Stephanus hujus nominis III. ordinatus est Pontifex Maximus die vigesima sexta mensis Martii anni septingentesimi quinquagesimi secundi. Sedit annos quinque, dies viginti novem, & mortuus est die 24. mensis Aprilis anni septingentesimi quinquagesimi septimi.

94. *S. Paulus* hujus nominis I. postquam ab obitu *Stephani* III. Papæ Sedes Apostolica vacasset per dies triginta quinque, consecratus est Pontifex Romanus die vigesima nona mensis Maji anni septingentesimi quinquagesimi septimi. Sedit annos decem, mensem unum, & spiritum Deo reddidit die 28. mensis Junii anni septingentesimi sexagesimi septimi.

95. *Stephanus* hujus nominis IV. post anni & mensis unius Interpontificium, per cujus temporis spatium vacavit Sedes Apostolica, quam *Constantinus* Antipapa invaserat, summo omnium consensu electus est Pontifex Maximus die septima mensis Augusti anni septingentesimi sexagesimi octavi. Sedit annos tres, menses quinque, dies viginti septem, & fato functus est die secunda mensis Februarii anni septingentesimi septuagesimi secundi.

96. *Hadrianus* I. Pontificatum iniiit die 10. mensis Februarii anni septingentesimi septuagesimi secundi, rexitque Ecclesiam usque ad diem 25. mensis Decembris
an-

anni septingentesimi nonagesimi quinti. Sub hoc Pontifice habita est contra Iconomachos septima Synodus Generalis, seu Nicæna secunda, anno septingentesimo octuagesimo septimo.

97. *S. Leo* hujus nominis III. ordinatus fuit Pontifex Maximus die 27. mensis Decembris anni septingentesimi nonagesimi quinti. Sedit annos viginti, menses quinque, dies sexdecim, & ex hac vita migravit die 11. mensis Junii anni octingentesimi decimi sexti.

98. *Stephanus* hujus nominis V. electus est Pontifex Romanus die 22. mensis Junii anni octingentesimi decimi sexti, sedit per septem duntaxat menses, & diem ultimum clausit die 24. mensis Januarii anni DCCCXVII.

99. *S. Paschalis* hujus nominis I. in locum *Stephani V.* Papæ successit die 25. mensis Januarii ejusdem anni octingentesimi decimi septimi. Sedit annos septem, & dies septemdecim, & discessit e vita die decima mensis Februarii anni octingentesimi vigesimi quarti.

100. *Eugenius* hujus nominis II. fuit ordinatus Pontifex Maximus die 14. mensis Februarii anni octingentesimi vigesimi quarti. Sedit annos tres, menses & dies incertos, & obiit mense Augusto anni octingentesimi vigesimi septimi.

Valentinus demortuo *Eugenio* II. substitutus est, sed quadragesimo die ab inauguratione sua e vivis sublatus est.

102. *Gregorius* hujus nominis IV. successit *Valentino* Papæ eodem anno octingentesimo vigesimo septimo, sed mense & die incertis, cum duratio cessationis Sedis Pontificiæ

tificiæ post *Valentini Papæ* obitum omnino ignoretur . Sedit annos sexdecim , & emigravit e vita 8. Kalend. Februarii anni octingentesimi quadragesimi quarti .

103. *Sergius* hujus nominis II. die 10. mensis Febr. anni octingentesimi quadragesimi quarti Pont. Max. renunciatus & ordinatus est . Sedit annos tres absque ulla mensium & dierum appendice , obiitque die 27. mensis Januarii anni octingentesimi quadragesimi septimi .

104. *S. Leo* hujus nominis IV. postquam ab obitu *Sergii* II. Papæ Sedes Pontificia vacasset menses duos & dies quindecim , electus ac consecratus est Pontif. Max. die 11. mensis Aprilis anni octingentesimi quadragesimi septimi . Ecclesiam Romanam gubernavit annis octo , mensibus tribus , & diebus sex , atque ad cælestem vitam migravit die decima septima mensis Julii anni octingentesimi quinquagesimi quinti .

105. *Benedictus* hujus nominis III. postquam ab obitu *Leonis* IV. vacasset Sedes Apostolica per menses duos & dies 12. ordinatus est Romanus Pontifex die 29. mensis Septemb. anni octingentesimi quinquagesimi quinti , & *Anastafius* , qui Sedem Apostolicam invaserat , tanquam Antipapa ejus est . Ecclesiam Romanam per an. duos , menses sex , & dies decem sanctissime rexit *Benedictus* III. & e vita excessit die 8. April. an. octingentesimi quinquagesimi octavi . Cum certum sit , *Benedictum* III. successisse in Sede Pontificia *Leoni* IV. explodi debet male confuta illa fabula , quam obtrudunt nonnulli , qui dicunt , *Joannam* Papissam successisse *Leoni* IV. eamque Pon-

Pontificatum per annos duos, mensem unum, & dies quatuor tenuisse.

106. *S. Nicolaus* hujus nominis I. successit *Benedicto* III. & consecratus est Rom. Pontifex die 24. mensis April. an. octingentesimi quinquagesimi octavi. Sedit annos novem, menses sex, dies viginti, & migravit ad Deum die 13. mensis Novembris anni octingentesimi sexagesimi septimi.

107. *Hadrianus* hujus nominis II. successit in locum *Nicolai* Papæ I. die 14. mensis Decemb. anni octingentesimi sexagesimi septimi. Sedit annos quinque, & obiit an. octingentesimo septuagesimo secundo. Sub hoc Pontifice habitum est Concilium octavum Generale, seu Constantinopolitanum quartum, contra *Photium*, Schismaticum Patriarcham Constantinopolitanum.

108. *Joannes* hujus nominis VIII. consecratus est Pontifex Roman. die 14. mensis Decembr. an. octingentesimi septuagesimi secundi. Sedit annos decem, & dies duos, & abiit e vivis die 15. mensis Decembris anni octingentesimi octogesimo secundi.

109. *Martinus* II., post paucos ab obitu *Joannis* VIII. dies, ad Summum Pontificatum fuit sublimatus, seditque annum unum, & menses quinque, & obiit die incerto mensis Maji anni octingentesimi octuagesimi quarti.

110. *Hadrianus* hujus nominis III. eodem mense, quo mortuus est *Martinus* Pontifex, ad Romanam Sedem proventus est. Sedit annum unum, & menses quatuor, obiitque anno octingentesimo octogesimo quinto.

111. *Stephanus* hujus nominis VI. successit *Hadriano* III.

III. Papæ. Sedit in Cathedra *Petri* annos sex, & extremum diem obiit anno octingentesimo nonagesimo primo.

112. *Formosus* eodem mense & an. quo *Stephanus VI.* Papa e vivis sublatus est, hoc est, mense Majo anni octingentesimi nonagesimi primi, consecratus est Pontifex Romanus. Sedit annos quatuor & menses septem, & inter vivos esse desiit die 4. Aprilis anni octingentesimi nonagesimi sexti.

113. Electus post *Formosum Bonifacius VI.* qui sedit tantum diebus quindecim, atque a nonnullis existimatur violenter intrusus, atque ex Pontificum Catalogo delendus. Fuit genere Etruscus, obiitque arthritico morbo.

114. *Stephanus* hujus nominis VII. expulso Antipapa *Bonifacio VI.* se ipsum in Sedem Pontificiam malis artibus intrusit, accedente tamen Cleri consensu, legitimus Pontifex habitus est, ne Schismate Ecclesia scinderetur. Sedit annum unum, mensem unum, & dies aliquot, tandem in carcerem detrusus est, ubi strangulatus periit anno octingentesimo nonagesimo septimo.

115. *Romanus*, post mortem *Stephani VII.* Papæ, creatus & ordinatus est Pontifex Maximus, seditque per quatuor dumtaxat menses, & obiit anno octingentesimo nonagesimo octavo.

116. *Theodorus* hujus nominis II. post mortem *Romani* Papæ, electus est Pontifex Romanus, qui per dies tantum viginti Pontificatum tenuit, & e vivis sublatus est an. octingentesimo nonagesimo octavo.

117. *Joannes* hujus nominis IX. in locum *Theodori II.* Papæ circa medium mensem Julium anni octingentesimi
nona-

nonagesimi octavi subrogatus est . Sedit annos duos & dies quindecim , & diem ultimum clausit circa initium mensis Augusti anni nongentesimi .

118. *Benedictus* hujus nominis IV. mortuo *Joanne IX.* Papa an. nongentesimo creatus est Pontif. Max. rexitque Ecclesiam annos tres & menses duos , & migravit ad Deum circa initium mensis Octob. an. nongentesimi tertii .

119. *Leo* hujus nominis V. successit *Benedicto IV.* feditque mensem unum & dies 26. vel 27. fuitque conjectus in vincula a *Christophoro* , qui sedem Romanam occupavit .

120. *Christophorus* , postquam sedisset menses circiter septem , a Sede Pontificia per vim deturbatus , habitum Monasticum induere coactus est .

121. *Sergius* hujus nominis III. Sedem Pontificiam obtinuit , fedit an. septem , mensibus tribus , diebus incertis , obiitque anno 910 .

122. *Anastasius* hujus nominis III. postquam a morte *Sergii III.* vacasset Sedes uno aut altero die , electus est Pontifex Maximus , feditque annos duos & totidem menses , & mortuus est an. nongentesimo decimo tertio .

123. *Lando* successit *Anastasio III.* die 16. mensis Octobris anni nongentesimi decimi tertii . Sedit tantum per menses sex , & dies decem , & obiit die 26. mensis Aprilis anni nongentesimi decimi quarti .

124. *Joannes* hujus nominis X. circa diem vigesimum septimum mensis Aprilis ordinatus est Romanus Pontifex . Sedit annos quatuordecim , paucos menses & dies aliquot , & obiit , Sede Pontificia a *Widone* , Tusciae Mar-

CHRONOLOGICA: 31

Marchione, depositus, anno nongentesimo vigesimo nono.

125. *Leo* hujus nominis VI. successit *Joanni* X. sed æmulorum factione oppressus, & in carcerem coniectus, diem supremum obiit circa diem tertium mensis Febr. an. nongentesimi vigesimi noni, postquam mensibus septem, & diebus quinque Ecclesiam Romanam rexisset.

126. *Stephanus* VIII. successit *Leoni* VI. feditque annos duos, mensem unum, dies duodecim, & finem vivendi fecit anno nongentesimo trigesimo primo.

127. *Joannes* hujus nominis XI. successit *Stephano* VIII. circa diem 5. mensis Martii an. nongentesimi trigesimi primi. Rexit Ecclesiam annis quatuor, & mensibus decem, & obiit in carcere, a fratre suo *Alberico* detentus, initio mensis Januarii an. nongentesimi trigesimi sexti.




CHRONOLOGICA.

Missiones, de quibus, anno nonagesimo vigesimo
nono, ...
152. Rex hujus nominis VI. factus est in locum
Januarius. XI. ad unum hujus nominis operatus, & in ca-
centis, ...
tium mensis Iulii, an nonagesimo vigesimo nono, post
quam mensis septem, & diebus quatuor octiduum hujus
annum regit.

156. Stephanus VIII. successit Karo VI. sedente an-
no hujus, mensis unum, dies duodecim, & factus est
veneri hujus anno nonagesimo trigesimo primo.

157. Joannes hujus nominis XI. successit Stephano
VIII. eiusdem mensis Martii an nonagesimo tri-
gesimo primo, Rex octiduum annis duravit, & mensis
his decem, & diebus in carcere, a hunc locum abierit de
terris, in his mensis Januarii an nonagesimo trigesimo
mi lxxi.






























































































































































































































































































































































































































































Fondo librario antico dei Gesuiti italiani
www.fondolibrarioantico.it

















Fondo librario antico dei Gesuiti italiani
www.fondolibrarioantico.it

28830



Fondo librario antico dei Gesuiti italiani
www.fondolibrarioantico.it

Fondo librario antico dei Gesuiti Italiani
www.fondolibrarioantico.it





ST-d

20

ario antico dei Gesui
www.fondolibroantico